

KOLUM LENSA JBPU



JANUARI



AKTIVITI PEMINDAHAN PERALATAN BILIK ENGLISH PRE-UNIVERSITY PREPARATORY PROGRAMME (EPPP)

4 JANUARI 2024

Pada 4 Januari 2024 (Khamis), satu aktiviti kerja pemindahan peralatan telah dijalankan dari Bilik English Pre-University Preparatory Programme (EPPP) ke Bilik Seminar, Pusat Pengajian Jejaw 1. Kerja perpindahan ini telah diketuai oleh En. Jasin Abd Halim dan dibantu Ahli Jawatankuasa perpindahan serta staf Jabatan Bahasa & Pengajian Umum (JBPU).




FEBRUARI



SIRI 1 WEBINAR JBPU: TRENDS IN ISLAMIC EDUCATION RESEARCH BASED ON SYSTEMATIC LITERATURE (SLR)

19 FEBRUARI 2024

Webinar “ Trends in Islamic Education Research Based on Systematic Literature (SLR)” telah berjaya dilaksanakan pada 19 Februari 2024 bermula jam 2.00 hingga 4.30 petang. Seramai 42 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Ketua Jabatan JBPU, PM Dr. Shuhairimi Abdullah serta perkongsian ilmu oleh ahli panel jemputan berkaitan trend dalam penyelidikan pendidikan Islam berdasarkan SLR literatur sistematik.



FEBRUARI



JAMUAN JABATAN BAHASA & PENGAJIAN UMUM

14 FEBRUARI 2024

Pada 14 Februari 2024, Kelab Kebajikan Jabatan Bahasa & Pengajian Umum (JBPU) telah mengadakan jamuan bersama staf bagi menyambut Bulan Ramadan 2024 dan majlis perpisahan pelajar praktikal di JBPU. Majlis dimulakan dengan kata alu-aluan daripada Ketua Jabatan, PM. Dr. Shuhairimi manakala bacaan doa dipimpin oleh En. Aimaan. Sebagai tanda terima kasih kepada staf JBPU yang sentiasa menyokong aktiviti yang dianjurkan, Kelab Kebajikan telah memberikan cenderamata kepada semua staf.



FEBRUARI



SESI BERGAMBAR HARI RAYA AIDILFITRI STAF JBPU

16 FEBRUARI 2024

Pada 16 Februari 2024, Kelab Kebajikan Jabatan Bahasa & Pengajian Umum (JBPU) telah mengadakan sesi bergambar bersama staf JBPU bagi sambutan Hari Raya Aidilfitri 2024 di Taman Bunga Kertas Tuanku Lailatul Shahreen, Perlis. Sesi bergambar ini telah dibahagikan kepada dua sesi bagi memberi laluan kepada tenaga pengajar yang mempunyai urusan pada tarikh yang ditetapkan.



MAC



SIRI 2 WEBINAR JBPU: KESEDARAN MINDA: STRATEGI PENGURUSAN KESEJAHTERAAN MENTAL DI TEMPAT KERJA

7 MAC 2024

Webinar “ Webinar Kesedaran Minda: Strategi Pengurusan Kesejahteraan Mental di Tempat Kerja telah berjaya dilaksanakan pada 7 Mac 2024 bermula jam 10.00 pagi hingga 12.00 tengah hari. Seramai 186 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Program dimulai dengan ucapan kata alu-aluan oleh Wakil Dekan FPK, PM Dr. Ina Suryani Ab Rahim selaku Exco JBPU serta perkongsian ilmu oleh ahli panel jemputan Dr. Mohd Arsad Johani (Pensyarah Kanan JBPU). Perkongsian webinar merangkumi strategi pengurusan kesejahteraan mental di tempat kerja yang amat penting kepada staf bagi meningkatkan kualiti tugas yang dilaksanakan serta sentiasa berfikiran positif.



MAC



MAJLIS PERPISAHAN DR. NAZRA ALIFF NAZRI

11 MAC 2024

Satu majlis perpisahan telah diadakan pada 11 Mac 2024 (Isnin) bagi meraikan staf Jabatan Bahasa & Pengajian Umum (JBPU), Dr. Nazra Aliff Nazri yang telah mendapat tawaran di Universiti Sultan Zainal Abidin (UniSZA), Kuala Terengganu. Kami daripada pihak JBPU mengucapkan selamat maju jaya!



MAC



PENGAGIHAN PEK RAMADAN JBPU

14 MAC 2024

Kelab Kebajikan Jabatan Bahasa & Pengajian Umum telah menyediakan pek Ramadan dan mengagihkan kepada 78 orang staf JBPU, termasuk staf unit pentadbiran.



BENGKEL I-ATTENDANCE

19 MAC 2024

Unit Audit & Kualiti Jabatan Bahasa & Pengajian Umum (JBPU) telah mengadakan satu bengkel pengisian i-attendance bagi staf yang ingin mempelajari cara-cara menggunakan i-attendance. Penganjuran bengkel telah diketuai oleh Cik Siti Balkis Mohamed Ibrahim.

MAC



IHYA RAMADAN: MAJLIS BERBUKA PUASA BERSAMA ANAK-ANAK YATIM MAKTEH

25 MAC 2024

Fakulti Perniagaan & Komunikasi (FPK) telah mengadakan Majlis Berbuka Puasa bersama anak-anak Yatim Makteh pada 25 Mac 2024 bertempat di Dewan Rumah Makteh, Kangar. Program ini turut disertai staf Jabatan Bahasa & Pengajian Umum sebagai Ahli Jawatankuasa Tertinggi bagi majlis ini.



TABUNG KASIH RAMADAN

31 MAC 2024

Bersempena Bulan Ramadan, Kelab kebajikan Jabatan Bahasa & Pengajian Umum (JBPU) telah membuat kutipan sumbangan sebanyak RM713.00 kepada Pusat Jagaan Rumah Hembusan Kasih yang bertempat di Arau, Perlis. Pusat Jagaan ini dihuni oleh kanak-kanak yang berusia 4 hingga 6 tahun dan terdiri daripada asnaf zakat, anak OKU dan fakir miskin. Maka, kelab kebajikan JBPU telah mengambil inisiatif untuk memberi sumbangan berbentuk barangan keperluan harian. Puan Zuhairah Idrus dan Cik Siti Balkis Mohamed Ibrahim telah menyampaikan barangan keperluan tersebut bagi mewakili ketua jabatan.

APRIL



SIRI WEBINAR JBPU: NAVIGATING SECOND LANGUAGE WRITING ANXIETY (SLWA) IN POSTGRADUATE DISSERTATION WRITING

30 APRIL 2024

Webinar “Navigating Second Language Writing Anxiety (SLWA) In Postgraduate Dissertation Writing” telah berjaya dilaksanakan pada 30 April 2024 bermula jam 3.00 hingga 5.00 petang. Seramai 75 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Wakil Dekan FPK, PM Dr. Wan Salha selaku TD HEPA FPK serta perkongsian ilmu oleh ahli panel jemputan Dr. Wan Safuraa Binti Wan Osman selaku Pensyarah Kanan JBPU yang mengemudi kebimbangan penulisan bahasa kedua dalam penulisan disertasi pascasiswazah.





JAMUAN AIDILFITRI JBPU

9 MEI 2024

Sempena menyambut perayaan Aidilfitri, Kelab Kebajikan telah mengadakan Jamuan Aidilfitri JBPU yang telah diadakan di Obsess Kitchen, Kangar. Majlis ini turut diserikan dengan kehadiran Dekan FPK dan Timbalan Dekan Akademik.



MALAM PUISI LESTARI ALAM: KELESTARIAN SUNGAI DAN ALAM SEKITAR

4 MEI 2024

Pada 4 Mei 2024, telah berlangsungnya Malam Puisi Lestari Alam: Kelestarian Sungai dan Alam Sekitar di Ruang Jamuan Senat, Aras 4 Canselor Tuan Syed Sirajuddin, UniMAP. Majlis ini merupakan rangkaian kerjasama Persatuan Sahabat Sungai Malaysia (FoRM) bersama-sama Persatuan Penulis Nasional (PENA) dan Dewan Bahasa dan Pustaka (DBP) dengan kerjasama Universiti Malaysia Perlis (UniMAP) sebagai rakan strategik dalam penganjuran majlis ini. Jabatan Bahasa & Pengajian Umum, FPK telah diamanahkan untuk menyelaras majlis ini bersama-sama dengan PKBU dan PKK UniMAP. Majlis ini telah dihadiri oleh Naib Canselor UniMAP, Presiden Persatuan Sahabat Sungai Malaysia yang juga merupakan Ketua Setiausaha Kementerian Pendidikan Tinggi.



MEI



THE THREE MINUTE THESIS (3MT) COMPETITION 2024 UniMAP
23 MEI 2024

Staf JBPU, En.Faharol Zubir telah menyertai pertandingan ‘The Three Minute Thesis’ (3MT) yang telah diadakan di Auditorium Canselori Tuanku Syed Sirajuddin. Petandingan ini melibatkan peserta dalam kalangan pelajar pascasiswazah program Doktor Falsafah (PhD). En.Faharol telah berjaya memenangi tempat pertama bagi kategori Sains Sosial.



JUN



MAJLIS IBADAH KORBAN & AKIKAH 2024
19 JUN 2024

Majlis ibadah korban dan akikah UniMAP telah diadakan di Pusat Kokurikulum UniMAP Kubang Gajah. Beberapa Staf JBPU turut menyumbang tenaga dalam majlis ini bagi membantu proses melapah dan agihan daging korban.



BENGKEL CHATGPT GURU BAHASA
21 JUN 2024

Bengkel Chat GPT untuk guru bahasa telah dilaksanakan atas usaha En.Wan Norhaizar Harun selaku Guru Bahasa Kanan untuk membantu guru-guru bahasa membuat penerbitan. Bengkel yang berlangsung selama dua jam ini dibimbing oleh Dr.Faharol Zubir, yang sememangnya pakar dalam bidang Chat GPT.





SIRI WEBINAR JBPU: DARIPADA PIRING HITAM KE TIKTOK: MEMAHAMI BUDAYA POP ANTARA GENERASI

27 JUN 2024

Webinar “Daripada Piring Hitam ke TikTok: Memahami Budaya Pop Antara Generasi telah berjaya dilaksanakan pada 27 Jun 2024 bermula jam 10.00 pagi hingga 12.00 tengah hari. Seramai 131 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Ketua Jabatan JBPU, PM Dr. Shuhairimi Abdullah serta perkongsian ilmu oleh ahli panel jemputan Dr. Siti Norayu Mohd Basir (Pensyarah Kanan JBPU) berserta skop topik perbincangan. Beliau telah menjelaskan bahawa budaya popular adalah cerminan identiti, nilai dan aspirasi masyarakat merangkumi pelbagai aspek seperti muzik, filem, fesyen, media dan trend sosial yang sentiasa berubah mengikut perkembangan zaman dalam setiap era. Budaya popular memainkan peranan penting penting dalam membentuk cara kita berfikir, berinteraksi dan mengekspresikan diri. Seterusnya, memahami budaya popular antara generasi adalah penting kerana budaya popular tersebut membantu dalam melihat bagaimana setiap generasi mengadaptasi dan mentafsirkan budaya mengikut konteks dan pengalaman mereka sendiri.



SIRI WEBINAR JBPU: DARIPADA PIRING HITAM KE TIKTOK: MEMAHAMI BUDAYA POP ANTARA GENERASI

27 JUN 2024

Webinar “ Cabaran Pertanian Padi di Kedah dan Perlis: Perspektif Pengembangan Pertanian telah berjaya dilaksanakan pada 31 Julai 2024 bermula jam 10.00 pagi hingga 12.00 tengah hari. Seramai 103 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Ketua Jabatan JBPU, PM Dr. Shuhairimi Abdullah serta perkongsian ilmu oleh ahli panel jemputan Dr. Ahmad Fahmi Bin Mahamood selaku Pensyarah Kanan Jabatan Komunikasi. Ahli Panel telah membincangkan cabaran pertanian padi di Kedah dan Perlis yang dikupas dari sudut perspektif pengembangan pertanian. Peranan Lembaga Kemajuan Pertanian Muda (MADA) penting dalam kemajuan para petani terutamanya dalam mengatasi masalah seperti masalah saliran, penanaman padi dan pembajaan. Panel juga mengupas isu kekurangan penanaman padi yang semakin berkurangan dari tahun ke tahun. Peranan kerajaan juga penting dalam memastikan kelangsungan stok beras negara agar sentiasa mencukupi. Pengeluaran beras dan penanaman padi harus berterusan bagi mengelakkannya daripada terputus atau sukar untuk didapati.



JULAI



SIMBOLIK PELEPASAN PESERTA PROGRAM UniMAP KOREAN UNIVERSITY STUDENT MOBILITY PROGRAMME 2.0 (UniKu 2024)

23 JULAI 2024

Program UniKU anjuran JBPU telah diadakan pada 5-25 Ogos 2024 di Dong-Eui University (DEU), Busan, Korea Selatan. Maka, pada 23 Julai 2024 telah berlangsungnya majlis simbolik pelepasan peserta program ini yang telah diadakan di Bilik Mesyuarat Pejabat Timbalan Naib Canselor (Akademik & Antarabangsa), Canselori UniMAP.



OGOS



SIRI WEBINAR JBPU: TRANSFORMING REALITY PRACTICAL APPLICATIONS OF AUGMENTED REALITY TECHNOLOGY

21 OGOS 2024

Webinar “Transforming Reality Practical Applications of Augmented Reality Technology” telah berjaya dilaksanakan pada 21 Ogos 2014 bermula jam 3.00 hingga 5.00 petang. Seramai 114 peserta telah menyertai webinar tersebut yang dikendalikan oleh moderator En. Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Timbalan Dekan FPK, PM Dr. Wan Sallha Yusoff serta perkongsian ilmu oleh ahli panel jemputan Dr. Adila Nordin iaitu Pensyarah Kanan dari School of Games & Creative Technology University for the Creative Arts, United Kingdom. Ahli Panel telah membincangkan peranan Aplikasi Realiti Teknologi yang menyeronokkan dalam kehidupan seharian. Pengukuhan dan peningkatan pengalaman yang mendalam juga melibatkan deria manusia untuk mensimulasi realiti teknologi tersebut. Aplikasi permainan juga dapat dikongsi semasa webinar berlangsung seperti “Pokemon Go” untuk menarik minat golongan kanak-kanak dalam Aplikasi Realiti Teknologi. Begitu juga peranan Aplikasi Realiti Teknologi dimanfaatkan dalam bidang pengiklanan untuk aksesori perhiasan wanita seperti rantai leher yang berkombinasi dengan pelbagai warna pakaian. Begitu juga, Aplikasi Realiti Teknologi dalam pengembaraan sejarah Kedah -Siam 1821 untuk penerokaan sejarah yang dapat dimanfaatkan kepada semua pihak.



OGOS



PROGRAM TANGGUNGJAWAB SOSIAL KORPORAT (CSR) DI SONGSERM WITTAYA SCHOOL, HAT YAI THAILAND.

24-26 OGOS 2024

Pada tanggal 24 Ogos 2024, Kelab Kebajikan, Jabatan Bahasa & Pengajian Umum telah menganjurkan satu Program Tanggungjawab Sosial Korporat (CSR) di Songserm Wittaya School, Hat Yai Thailand. Seramai 35 pelajar dan 12 orang guru yang telah terlibat dalam program ini. Antara aktiviti yang dijalankan adalah mempromosikan Universiti Malaysia Perlis (UniMAP), terutamanya Fakulti Perniagaan & Komunikasi oleh YBhg. Prof. Madya Dr. Wan Sallha Yusoff (Timbalan Dekan Akademik) dan pelbagai aktiviti bahasa dijalankan bersama pelajar tingkatan 6. Program ini berjaya dijalankan dan mendapat sambutan yang sangat baik daripada pihak sekolah. Pihak sekolah sangat berharap agar program seperti ini dapat dilaksanakan lagi pada masa hadapan.



SEPTEMBER



PROGRAM TANGGUNGJAWAB SOSIAL KORPORAT (CSR) DI SEKOLAH MENENGAH SAINS TUANKU SYED PUTRA

7 SEPTEMBER 2024

Jabatan Bahasa & Pengajian Umum (JBPU) telah melaksanakan Program Tanggungjawab Sosial Korporat (CSR) masyarakat di Sekolah Menengah Sains Tuanku Syed Putra, Kangar. Program ini menggunakan Permainan Lipur Lara (PLL) bersama murid-murid tingkatan satu. Permainan ini dibina untuk meningkatkan kemahiran berfikir kritis dan pertuturan bahasa Inggeris menggunakan teknik penceritaan interaktif tanpa menggunakan peranti. Seramai 26 pelajar kelas 1 Itqan menyertai program ini dan dibimbing oleh tiga orang staf JBPU iaitu En. Khairul Hisham, Pn.Yuziana Yasin dan Pn. Nor Shafawati Mohd Zuki.



OKTOBER



MALAYSIAN SIMULATION & GAMING CONFERENCE 2024

22-24 OKTOBER 2024

En.Khairul Hisham telah dijemput menjadi penceramah jemputan di Malaysian Simulation & Gaming Conference (MASAGA 2024) yang bertempat di Hotel Everly Putrajaya. Tajuk yang telah dibentangkan ialah “Tabletop Roleplaying Games: A Versatile and Untapped Educational Tool.”



NOVEMBER



SIRI WEBINAR JBPU: THE EVOLVING ROLE OF GOVERNANCE PROFESSIONALS IN A DIGITALIZED AND RAPIDLY CHANGING RISK LANDSCAPE

28 NOVEMBER 2024

Webinar “The Evolving Role of Governance Professionals in A Digitalized and Rapidly Changing Risk Landscape” telah berjaya dilaksanakan pada 28 November 2024 bermula jam 10.30 pagi hingga 12.30 tengah hari. Seramai 216 peserta telah menyertai webinar tersebut yang dikendalikan oleh moderator En.Ahmad Hifzurrahman Bin Ridzuan, pensyarah dari Jabatan Bahasa & Pengajian Umum, FPK, UniMAP. Matlamat utama penganjuran webinar tersebut adalah untuk menggalakkan aktiviti perkongsian ilmu dalam kalangan staf akademik melalui penganjuran webinar. Pengisian program merangkumi ucapan kata alu-aluan oleh Timbalan Dekan (Akademik & Penyelidikan), Prof. Madya Ts. Dr. Mohammad Harith bin Amlus, serta perkongsian ilmu oleh ahli panel jemputan PM Dr. Wan Sallha Yusoff selaku Pensyarah Kanan Fakulti Perniagaan & Komunikasi, UniMAP berserta skop topik perbincangan. Ahli Panel telah membincangkan peranan tadbir urus yang profesional dalam perkembangan landskap digital yang berisiko. Pada peringkat awal webinar, ahli panel telah mengupas tadbir urus awam dengan jelas. Ahli panel juga mengupas tentang landskap risiko iaitu jenis risiko yang muncul, risiko keselamatan siber, risiko pematuhan dan risiko operasi. Pemantapan perbincangan juga mengupas isu pengurusan risiko proaktif serta kebolehsuaian dan fleksibiliti.



NOVEMBER



HIGHER LEARNING ENGLISH LANGUAGE CARNIVAL (HE-ELCA)

9 NOVEMBER 2024

Pada 9 November 2024, University Malaysia Pahang Al-Sultan Abdullah (UMPSA) telah menganjurkan Program ‘Higher Learning English Language Carnival (HELCA). UniMAP telah menghantar tiga penyertaan untuk tiga kategori iaitu, “Mobile Journalism, “Click Create, and Educate” dan Green City Challenge”. Para peserta terdiri daripada pelajar UniMAP yang telah dibimbing oleh tiga orang staf JBPU, iaitu Cik Nur Farhinaa Othman, Encik Azrizal Salleh dan Cik Nabilasha a/p Manokaran. UniMAP berjaya mendapat tempat kedua dalam kategori “Mobile Journalism (MoJo).



DISEMBER



JAMUAN AKHIR TAHUN & MAJLIS PERPISAHAN PM DR. ABDUL JALIL RAMLI

6 DISEMBER 2024

Kelab Kebajikan telah mengadakan jamuan akhir tahun dan majlis perpisahan PM Dr. Abdul Jalil Ramli. Majlis dimulakan dengan amanat yang diberikan oleh Ketua Jabatan JBPU, PM Dr. Shuhairimi Abdullah dan disusuli dengan ucapan daripada PM Dr. Abdul Jalil.



SPEAK & SHINE(CSR)

11 DISEMBER 2024

SPEAK & SHINE, Program Tanggungjawab Sosial Korporat (CSR) anjuran Jabatan Bahasa & Pengajian Umum (JBPU), FPK, UniMAP telah diadakan di Sekolah Kebangsaan Dato Ahmad Musa. Seramai 30 orang pelajar darjah 5 dan darjah 6 telah mengambil bahagian dalam program ini. Program yang bertujuan meningkatkan kemahiran bertutur dalam Bahasa Inggeris ini telah dijayakan oleh Dr Nazifah binti Hamidun, Encik Muhammad Nazif Aimaan bin Othman, Cik Nur Farhinaa binti Othman dan Cik Faten Khalida binti Khalid.



CANSELORI

**JABATAN BAHASA & PENGAJIAN UMUM
FAKULTI PERNIAGAAN & KOMUNIKASI
UNIVERSITI MALAYSIA PERLIS**

